

FJALLSKILABOÐ

Fjallskilanevnd Skagabyggðar hefur ákveðið að hinar venjulegu haustgöngur árið 2017 skuli fara fram laugardaginn 9. sept. en þær síðari laugardaginn 16. sept. sé gott leitarveður en annars næsta leitarfæran dag þar á eftir.

Í fyrri göngum skal smala sauðfé úr afrétt og heimahögum eftir venju, en í síðari göngum bæði sauðfé og hrossum. Skal fénaður allur rekinn til Fossárréttar og dreginn þar sundur undir stjórn réttarstjóra sem verði í báðum réttum Vignir Sveinsson.

Útheiðargöngur

Norðan frá og þar fram sem sýslumörk ráða fram um Höfðavötn. Að vestan með sjó fram að Fossá að undanskildum afgirtum svæðum eftir venju.

Í fyrri og síðari göngur leggi þessir til menn:

Jón Helgi Víkum	3 menn
Sigurlaug Tjörn	1 mann
Vignir Höfnum	4 menn
Baldvin Tjörn	2 menn
Árni Króksseli	1 mann

Árni í Króksseli leggi til ökutæki að Skjaldbreið til að flytja latrækar kindur til réttar. Gangnaforingi í báðum göngum verði Vignir Sveinsson.

Miðheiðargöngur

Auk hefðbundinna gangna í Miðheiðinni smali gangnamenn þar, land Skagstrendinga frá Greiðir á Refshala austur um Þverfell á sýslumörk og út um Hraunvatn.

Í fyrri og síðari göngur leggi þessir til menn:

Steinar Steinnýjarstöðum	3 menn
Rafn Örlygsstöðum	3 menn

Gangnaforingi í báðum göngum verði Steinar Kristjánsson.

Fjallagöngur

Úr Brandaskarði vestan fjalla meðfram girðingum eftir venju norður um Moldás.

Austan fjalla verði smalað úr Brandaskarði eftir venju norður um Moldás.

Einnig smali fjallamenn land Skagstrendinga fyrir neðan Stallabrúnir niður í dalbotn.

Í fyrri göngur leggi þessir til menn:

Jens Brandaskarði	1 mann
Steingrímur og Elín Kurfi	1 mann
Jónatan Bakka	1 mann
Hallgrímur Skeggjastöðum	3 menn
Guðjón Hofi	3 menn
Ingimar Gísli Hofi	1 mann
Arnar Páll Hofi	1 mann

Í síðari göngum smali sömu menn.

Gangnaforingi í báðum göngum verði Guðjón Ingimarsson.

Ásagöngur

Frá Hofsá að sunnan ofan girðinga út Brekku og Króksbjarg að Fossá en að framan samsíða fjallamönnum til Fossáréttar.

Í fyrri og síðari göngur leggi þessir til menn:

Ingimar Gísli 1 mann

Steingrímur og Elín Kurfi 2 menn

Hallgrímur Skeggjastöðum 2 menn

Gangnaforingi í báðum göngum verði Steingrímur Benediktsson Kurfi.

Selnesrétt

Í fyrri og seinni Selnesrétt hirði fyrir Skagabyggð Steinn Rögnvaldsson Hrauni.

Fellsrétt

Í fyrri og seinni Fellsrétt hirði fyrir Skagabyggð Guðjón Ingimarsson Hofi.

Kjalarlandsrétt

Í fyrri og seinni Kjalarlandsrétt hirði fyrir fjallskiladeild Skagamanna Magnús á Vindhæli.

Skrapatungurétt

Í fyrri og síðari Skrapatungurétt hirði fyrir fjallskiladeild Skagamanna, Magnús á Vindhæli og komi hann sauðfé og hrossum til réttra viðtakenda.

Eftirleit

Laugardaginn 23. sept. fari fram eftirleit. Í útheiðinni skal þá smala frá Selvatni að norðan um Selfell, austur um sýslumörk fram að Höfðavötnum. Að vestan um Svínafell og Stóru-Skjaldbreið.

Þessir leggi til menn:

Baldvin Tjörn 1 mann

Jón Helgi Víkum 1 mann

Vignir Höfnum 2 menn

Árni Króksseli 1 mann

Leitarstjóri verði Vignir Sveinsson.

Smalað verður sama landsvæði og í fyrri göngum.

Í Miðheiðina leggi þessir til menn:

Rafn Örlygsstöðum 2 menn

Steinar Steinnýjarstöðum 2 menn

Steinar verði leitarstjóri.

Þennan sama dag smali fjöllin úr Brandaskarði norður fyrir Öxl þessir menn:

Steingrímur og Elín Kurfi 1 mann

Guðjón Hofi 1 mann

Hallgrímur Skeggjastöðum 2 menn

Ingimar Gísli 1 mann

Arnar Páll 1 mann

Hallgrímur verði leitarstjóri.

Guðjón á Hofi leggi til ökutæki að Langavatni í báðum göngum til að flytja latrækar kindur til réttar.

Fjárskil fara fram á Tjörn mánudaginn 2.október

Baldvin á Tjörn hirði fyrir Skagabyggð á fjárskilum Skeflunga.

Innansveitarfé sem finnst í eftirleit og við smölun heimalanda gangi til réttra umráðamanna en utansveitarfé verði komið til Baldvins á Tjörn ef það er af Skaganum austanverðum en annars til Guðjóns á Hofi.

Ætlast er til að umráðamenn landa hreinsi lönd sín af ókunnugum fénaði fyrir seinni réttir og fjárskil og komi þeim fénaði til Fossarréttar eða þá til Baldvins eða Guðjóns eftir því sem við á.

Komi ókunnugur fénaður fyrir á öðrum tímum eiga umráðamenn landa að ráðstafa þeim fénaði í samráði við eigendur fjárins.

Ekki er gert ráð fyrir að fénaður verði látinn í réttarhólfið eftir réttir.

Marklýsingu í Fossarrétt og á fjárskilum annist Hallgrímur Hjaltason og Guðjón Ingimarsson.

Gangnaforingjar eru minntir á að gæta þess vandlega að sjúkar kindur séu einangraðar svo fljótt sem við verður komið. Skal fjallskilastjóri sjá um að þær verði skoðaðar af dýralækni sé talin þörf á því.

Gangnaforingjar hafi samráð um tímasetningar milli gangnaflokka svo fénaður renni ekki inn á smalað land. Einnig eru gangnaforingjar hvattir til að hafa samráð um talstöðvarrásir á milli svæða.

Með vísan til 20 greinar fjallskilareglugerðar „Hafi búfjáreigandi engan hæfan mann til fjallskila og getur eigi útvegað hann, skal hann tilkynna hreppsnefnd eða fjallskilastjóra það skriflega fjórum dögum áður en fjallskilin eiga að vinnast, en þessir aðilar útvega mann eða annað sem vantar, svo sem hesta eða fæði, og borgar þá búfjáreigandi allan kostnað, sem af fjallskilum leiðir, án tillits til mats á þeim“.

Með vísan til 10 greinar fjallskilareglugerðar heimilar fjallskilastjórn smölun ógirtra heimalanda fyrir sitt leiti allt að 10 dögum fyrir göngur svo menn geti nýtt sér slátrun vegna herra afurðaverðs, og til að létta á smalamennsku. Úrtíningur sem úr slíkum smölunum kemur, sem ekki er sóttur af eigendum, skal settur í náthaga við réttir sveitarfélagsins, ellegar aftur á afrétt.

Að öðru leyti en hér greinir fer um skyldur og réttindi manna eftir fjallskilasamþykkt fyrir Austur-Húnavatnssýslu nr. 299/2009.

Fjallskilastjóri er Baldvin Sveinsson.

Kind er ein eining en hross er 5 einingar

Gjald á einingu er 265 kr. Gangnadagsverk er 8.500 kr.

Fjallskilanefnd Skagabyggðar

Skagabúð 29.ágúst 2017

